



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **De Breviario Concionatorio, Strenæ, Fidelis Prophetissa Concionibus de B. M. Virgine serviens, Conciones Occurrentes & Funebres**

**Tylkowski, Wojciech**

**Oliva, 1686**

In Eodem festo fragm.

[urn:nbn:de:hbz:466:1-51821](https://nbn-resolving.org/urn:nbn:de:hbz:466:1-51821)

esse signum certum reprobationis aeternae hanc Societatem persequi, & in illam eos consurgere, qui vel sunt Hæretici saltem occulti, vel in carne merfi. Abrumpo & claudio verbis Leonis de Passione Dom. ferm. 10. *Non potest deficere quod dicam, quia non potest satis esse quod dicitur.*

### De Eodem.

**Q**uasi triumphum de toto orbe facturus Christus lumina per totum accendit, cum ait ad Apostolos, *vos estis lux mundi.* Agnovit Card. Paleottus S. Ignatium tale lumen, dum vocat *Lumen Ecclesie.* Quam tantopere illustravit, ut dixerit Laur. de Zamora S. Ord. Cisterc. esse illi plus obligatam, quam omnibus (saltem eo tempore) in toto mundo, & addit, meritò dixisse quendam in Hispania Præsidentem, debere cum simili vexillo statui hunc Sanctum, atque statuitur S. Dominicus & Franciscus. Contemplemur hoc aliud lumen post Sanctos Apostolos.

Lumen Ignatii diffusum est imprimis per totum orbem. Congreg. Cardin. in literis ejus beatificationis ita & de Religione S. Ignatii loquitur. *Quæ non sine maxima Reipub. Christianæ utilitate per universum orbem diffusa ac dilatata est.* Utilitatem videbimus, si audierimus rationem cur potius cum S. Dominico & S. Francisco ponam Ignatium, quam cum aliis SS. Patriarchis. Legitur in Chron. Francisc. quod DEUS tres lanceas paraverat in ruinam mundi, & quod per S. Dominicum & Franciscum sit placatus, & duas quasi lanceas quasi extorserunt, tertia supererat, hanc S. Ignatius sistit, ita dicitur Zamora Sanctuarii tom. 2. lib. 6. discurs. 51. Quare simile ac illis Sanctis dandum est vexillum Ignatio, & si illorum lux in totum se extendit orbem, etiam istius. Sed jam lumen ipsum vide-



videamus. Lumen est purissimum, quia est Divinum, DEUS nullam in se mixturam patitur, nihil habet caro in Ignatio, cujus stimulus omnis miraculose sublatus. *Scimus quia cum apparuerit similes ei erimus, quia videbimus eam sicuti est.* Visio clara DEI, quâ nunc fruitur Ignatius facit DEO similem, sed ad visionem quæ dispositio? *Omnis qui habet hanc spem sanctificat se.* Aug. legit, *castificat se.* Castitati succedit similitudo cum DEO, DEUS altior est rebus temporalibus; omnia sprevit Ignatius, etiam vestes mendico tradidit, gladium templo. DEUS in sui contemplatione est totus; Ignatius in DEI. In ore ejus semper major DEI gloria, optabat semper DEI gloriam crescere, suam semper decrescere, cognitionem Divinam sequitur amor, qui cognoscit Ignatium accenditur DEI amore. Anno 1553. Joannes III. Rex Portugalliae mittendo Aloysium Gonzalez inter cætera præcepit illi, ut omnes Ignatii actiones exactè observaret. Redux Aloysius dixit Regi, se id fecisse, & nullâ oratione, aut lectione spirituali se ita fuisse ad amorem DEI inflammatum, ut observatione Ignatii. *Sicut adamantem & silicem dedi faciem tuam.* Lucet adamas non percussus, silex non nisi percussus emittit scintillas. Aloysius vidit ut adamantem, sed alii ut silicem. Apud Hispanos Aliolæ projectus in compedes, Salmanticæ in compedes, ab Hispaniæ militibus pessimè habitus veluti explorator, Barcellonæ mille fustes sustinuit, sed omnes amore DEI incendit, secuta in omnibus morum emendatio apud eosdem ipse gloriosus factus. DEUS suam semper facit voluntatem, Ignatius DEI, paratus ad omnia quæ vult DEUS, sive in mortem sive in vitam, vult DEUS ut temperet poenitentiam, vestes assumat meliores, facit; vult ut contemnat dignitates, &c. Facit DEUS omnia ad suam gloriam, fecit Ignatius omnia ad DEI.

Jam videamus quantoperè Ignatius illuminaverit mundum.

dum.



dum. Aug. lib. de catech. rudium. *Opus est ut non solum sanctus personaliter existat, sed etiam alios illuminando, causa sanctitatis sit.* Et hæc præstatur magis operibus quàm verbis. *Ut videant opera vestra bona, & glorificent Patrem vestrum qui in cælis est.* Hoc fecisse Ignatium testatur bulla ejus beatificationis. *Ignatius multis & eximius virtutum & gratiarum, & miraculorum donis illustratus fuit.* Plenus Stephanus gratiâ, plenus Ignatius virtute. Et in omni eminens, in paupertate, obedientia, &c. Plenus gratiâ ut illi S. Franc. Xaverius non nisi flexis genibus scriberet. Miracula plurima. His illustravit inprimis suam Religionem, ad quam fundandam ut dicit Greg. XIII. fuit à Spiritu S. inspiratus: quare Surius illum vocat Sanctissimum. Genebrardus illum dicit à DEO missum contra Luciferum, Sanderus, *Virum DEI, & à DEO motum ad opus quod fecit.* Elias vocabatur vir DEI, Contra Luciferum missus Archangelus. A DEO motus ad opus, ut Moyses ad fabricationem tabernaculi. Bozius vocat, *Virum clarissimum sanctitatis vitæ.* Doctor Pavia Portugallus vocat *Illustre exemplar sanctitatis, virum admirabilem, particulari cæli beneficio datum mundo.* Ita lucebat operibus suis, &c.

### In Festo Portiunculæ.

**C**Hristus verus Pontifex noster, sæpe etiam post suam mortem circa nos munia sui Pontificatus exercuit, non semel de cælo descendit ad templorum consecrationem. Non semel Sacrum Pontificaliter celebravit, &c. Hodie distribuit indulgentias, in templo suæ Matris, quæ hic loca idè dicta Angelica, quod ibidem cantus Angelorum audirentur, dicta de Portiuncula quia ibi Dominum in portionem suam assumpsit S. Franciscus. Non dubium quin Christus in hoc loco dando